

Powšitkowne WOZJEWJENJA

njedźelu, 5. meje 2019

Zawod do nabožneho tydźenja

Pomocnicy lětušeho nabožneho tydźenja su wutrobnje na zawodne zarjadowanje přeprašeni, kotrež wotměje so pónđzelu, 20. meje, wot 9.30 hodź hač do něhdže 14 hodź. w Budyšinje na farje, Při Pětrowej cyrkwi 7. Wobdźělnikam sprosředkuj přehlad wo jednotliwych dnjach a wobsahach, bibliskich stawiznach a spěwach kaž tež wo kreatiwnych poskitkach. Zajimcy njech so prošu hač do pónđzele, 13. meje, pod telefonowym čisłom (03 57 96) 88 707 abo z mailku na worklecy-kise@gmx.de přizjewja.

Mejski nyšpor w Róžeńće

Na našim hnadownym městnje w Róžeńće sławmy a prošmy mać Božu wo zastupnu próstwu pola jeje syna Jězu Chrysta za naš lud a kraj: zo bychmy dale žiwje wěрили do zrowastanjeného Chrystusa. Do pačerja chcemy tež wšu swětowu cyrkej zapřijeć a so wo měr na zemi modlić. W tutym zmysle přeprašuju w mjenje Towarstwa Cyrila a Metoda z.t. (TCM) wěriwych ze wšitkich wosadow njedźelu, 5. meje, w 17.00 hodź. na wosebity mejski nyšpor do hnadowneje cyrkwy w Róžeńće. Muski chór Delany jón hudźbnje wobrubu.

Jurij Špitank, předsyda TCM

Wulět samostejacych

Wulět samostejacych ze serbskich wosadow budže wutoru, 21. meje, a powjedže do Noweje Cale. Zajimcy njech so hač do srjedy, 8. meje, w redakciji Katolskeho Posoła přizjewja, telefonowe čisło (0 35 91) 55 02 12. Časy wotjězda busa z jednotliwych wsow so njedźelu do wulěta w Posole wozjewja.

Požohnowanje motorskich

Popoładno z požohnowanjom motorskich zahaji so njedźelu, 5. meje, w 14 hodź. z nyšporom w Ralbičanskej cyrkwi. Přizamknje so zhromadny wulět, kotryž wuklinči něhdže w 16.30 hodź. w Nowoslicach.

Putnikowanje staršich a chorych ludźi do Różanta

Putnikowanje staršich a chorych ludźi ze serbskich wosadow do Różanta budže sobotu, 11. meje. Wot 13 hodź. budže přiležnosć k swjatej spowědźi. Modlenje swjateho różowca započnje so w 13.30 hodź. Różowcej přizamknje so w 14 hodź. Boža mša, kotruž změje farar Michał Nawka. Na njej wudźěli so tym, kotřiž sej to přeja, žalbowanje chorych. Po kemšach poskići so swačina.

Putnikowanje wujednanja w Hejnicach

Wěriwi z Němskeje, Pólskeje a Českeje su sobotu, 11. meje, wutrobnje na putnikowanje wujednanja do Hejnic přeprašeni. Boža mša w hnadowneje cyrkwi budže w 10.30 hodź. Swjećić budže ju monsignore Anton M. Otta z Prahi. Po kemšach su wšitcy putnicy na přikusk přeprašeni.

Ministrantska kopańca

Koparski turněr ministrantow ze serbskich wosadow budže sobotu, 22. junija, w Pěskecach. Započatk je z Božej mšu w 9.00 hodź. we wjesnej kapałce.

Sakski konopej w Smochćicach

„Kak swobodnje rozprawjeja naše medije?“ rěka tema zarjadowanja pjatk, 17. meje, w 19.00 hodź. w Smochčanskim Domje biskopa Bena. Na tak mjenowanym Sakskim konopeju budžetaj dr. Peter Frey, šefredaktor ZDF, a Ine Dippmann, rozhlósowa korespondentka sčelaka MDR, sedžeć. Moderaciju změje Daniel Heinze z cyrkwinskeje redakcije Radija PSR.

Program k projektej „Swětło pozbudža“

We wobłuku wuměłstwoweho projekta „Swětło pozbudža“ budže přichodnu srjedu, 8. meje, w 16.30 hodź. při kapalce na Budyskej Nuklacej horje (Dolinowa 14) ekumeniski nyšpor.

Wosebite wodženje k „rěčacym narownym pomnikam“ změje Christoph Kretschmer sobotu, 11. meje, w 15 hodź. na Tuchorskim pohrjebnišću. Mnozy wuznamni Budyšenjo su tam pochowani. Narowne pomniki su za mnohich zajimawy móst mjez žiwjenskimi a kulturnymi stawiznami.

Cyłkowny program projekta „Swětło pozbudža“ je pod www.posol.de wozjewjeny.

Swědka wěry dožiwić

Po přikładze japoštołow putnikuje kapucin Fra Elia po wšěm swěće, zo by ludži misionował. Wot 1990 dožiwja na swoim óčle Jězusowy pasion. Swój misionski centrum ma w Calvi dell'Umbriji w Italskej. Tam hdys a hdys tež putnikow z Italskeje a wšeho swěta přijimuje. Njedźelu, 12. meje, porěči Fra Elia wot 15 do 17 hodź. w propstowskej cyrkwi swjateho Jana Nepomuka w Kamjenicy. Nadrobniše informacije nańdu zajimcy pod www.posol.de.